

vund der anderen mit geringer Wehr vund Waffen der Arzeneey / die grewlichen / blutdürstigen Kott der Kranckheit anfallen / was richten wir auß? Zwar gar wenig oder nichts / ja eben das / so die kleinen krafftlosen Zwerglein gegen die grossen starcken Riesen in ihrem Kampff vund Streit außrichten können.

Wie kompt es aber? daher kompts / daß der Alten Arzeneey Kriegesleut / wol von Natur gut vund wolgesinnet seyn / aber das mangelt ihn / daß sie durch die Præparation vund gebührliche Zubereitung nicht wol gerüstet vund staffieret seyn / daß sie gegen starcke / mechtige Feinde nicht genug gewaffnet seyn: Sie seynd nackt vund bloß / sie seynd scheßbig vund unrein / sie seyn voller Schweren vund Buflats / sie seyn mit Ketten der Unsauberigkeit gefangen vund gebunden / daß sie sich weder wegen noch regen können / dauon sie zuvor durch Hülff der Præparation müssen entlediget werden / so sie etwas löblichs vund heilsams in ihrer Art außrichten sollen.

Vnd muß zwar für mein Person / ohn Ruhm bekennen / daß mir durch Gottes Gnad / mein cura Medica glücklicher nunmehr fortgehet / weil ich mich der Præparation auff's höchste selbst beflissen habe / vund noch bestesse / als etliche ziemliche Jahr lang sonst geschehen / da ich nicht ein Haar breit von der Alten Medicorum Auctoritet / Recepten vund Anschlägen hab treten wollen.

Hierzu aber hat mich gereizet vund bracht / die Medica libertas, das ist / die Freyheit / so einem Arzte auch billich der Warheit halben soll zugelassen seyn.

Dann / ist es einem Philosopho frey / die Warheit auß allen Auctoribus vund Scribenten zusuchen vund anzunehmen / die Lügen aber vund falsche Lehr zuwerwerffen / vnangesehen / es habe Plato, Aristoteles oder ein ander Philosophus dasselbig gesagt oder geschrieben: Warumb solte ein auffrichtiger wolgegründeter Arzte / ihme solche Freyheit inn seiner Facultet vund Wissenschaft schändlich nehmen lassen.

Damit wir nun unsere vorgenommene Cohortation vund Ermahnung desto verständiger vund begreifflicher mögen tractieren vund vollens

vollens